



Handwritten text on the spine, possibly in a Gothic script, including the words "Hundert" and "Kocher".



Sammelband. Lex. 200

Eyn Sermon
 von dem sacra
 ment der wils
 D.R.LII.
 Aug. zu
 Wittē.



Der durchleuchte vñ hochgepomen Fürstinnen vñ
frawen/ frawen Margarethen geporn von Reths-
berge/ Hertzogin tzu Brunsbigk vñ Luneburgk/ meiner
gnedigē frawē/ Entpiete ich Martinus Luther Augu-
stiner tzu Wittenbergk/ noch allē meinem gutē in got vor-
mugē/ gottes genad vñ frid/ in Christo vnserm hern.

Es habē bey mir Hochgepome Fürstin/ gnedige
fraw/ etlich meiner gutē freunt/ vetter vñ hern/ besonnē/
etwas geistlichs vñ Christelichs/ E. J. B. tzu tzuschrei-
ben/ damit E. J. B. gnedigen/ willē vñ gefallen/ so sie ge-
gen mir vnwürdige tregt/ danckparlich tzu erkennē/ vñ vn-
terthenige meine dienst ertzeigen. Dahin mich auch vill-
mals mein eigē vorpflicht/ gewissen getribē. Doch schwer-
dartzu gewesen/ das ich bey mir nit souil erfundē/ damit
ich solcher begird vñ pflicht muge gnug sein. sonderlich
die weil ichs gewiszlich dafur acht/ das vnser aller mey-
ster Christus/ bey E. J. B. mir gar lang vñ weit tzuuor-
kōmen sey. Hab tzu letzt mich bewegen lassen E. J. B.
andacht tzu der heiligē schrift/ die mir hochlich gepreiset
ist/ etlich sermon vnter E. J. B. namē ausz tzulassen/ von
dē heiligē hochwürdige vñ trostliche sacramēt der pusz/
der tauff/ des heiligen leichnams/ angesehen/ das souil be-
trubt vñ beengstet gewissen gefundē/ vñ ich bey mir selb
erfahren/ die der heiligen/ vñ voller gnadē sacrament/ nit
erkennen/ noch tzu prauchen wissen. sich leider mit yren
wercken/ mer vormessen tzu stillen/ dan durch die heiligē
sacrament/ in gottes gnadē frid suchen. so gar sein durch
menschen lere/ die heiligen sacrament/ vns bedeckt vñ
entzogen. Bit E. J. B. wolt solch mein geringē dienst/
in gnaden erkennen/ vñ mein vormessenheit/ mir nit vor-
argen. Dann E. J. B. tzu dienen bin ich alle tzeit vnter-
theniglich bereit. Die got ym lasz/ hie vñnd dort befol-
hen sein. Amen.

Eyn Sermon von dem Sa-

crament der pusz/Doctoris Martini

L. A. W.

Zum ersten/Sein tzwei vorgebüg in dem Sacra-
ment der pusz/Vorgebüg der peün/vñ vorgebüg
der schuld. Vñ der erste vorgebüg der peün ader
gnugthuüg/ist gnug gesagt in dem Sermon vñ
dem ablas/lengest außgangē. An welcher nit souil gelegē
vnd vnmeszlich geringer ist/dan vorgebüg der schult/die
man mocht heissen gotlichē ader hymelischē ablas/den
nymandt/dan got allein von hymel geben kan.

Zum andern/ist vntter beyden vorgebüg dys vatter/
scheydt/das ablas ader vorgebüg der peün/ablegt auffge-
satzte werck vñ muhe der gnugthuüg/vñ vorsunet den mē-
schen/mit der Christlichē kirchen eusserlich. Aber vorge-
büg der schuld/ader hymelischer ablas/legt ab die forcht
vnd blodigkēyt des hertzen gegen got/vnd macht leicht
vnd frolich das gewyssen/vñnerlich vorsunet den men-
schen mit got. Vnd das heyst eygentlich vñnd recht/die
sund vorgeben/das den menschen sein sund nicht mer
beyssen/noch vnruig machen. szonder eyn froliche tzu-
vorsycht vberkummen hath/sye sein ym von got vñmer
vnd ewiglich vorgeben.

Zum dritten/wo der mensch nit in sich selb befindet
vnd fulet ein solch gewyssen/vnd frolich hertz tzu gottes
gnaden/den hilfft kein ablas/ob er schon alle brieff vnd
ablas loszet/die yhe geben sein. dan an ablas vnd ablas
brieff mag man selig werden/vnd die sund betzalē/ader
gnugthun durch den todt. Aber an frolich gewissen/vnd
leichtes hertz tzu got (das ist an vorgebung der schuldt)
mag nymant selig werden. Vnd were vil besser/das man
kein ablas loszet/dan das man diser vorgebüg der schult
vorgisset/ader nit erstlich/teglich/am allermeysten vbet.

A ij

*I. Duplex
Remissio i peccatis
et calumie
Vnde remissio
calumie i peccatis*

Disminuere hanc

*3. vñ vñna
is ptoy*

Das losz wessen vnd drey yst ein ystform 2^m auctore

4.

Zum vierden /tzu solcher vorgebung der schuldt/vnd das hertz tzu stillen vor den sunden/ sein mancherley weg vnd weysz. Etlich vormeinen durch brieff vnd ablas das auszzurichtē /lauffen hyn vnd her /tzu Rom /tzu sant Jacob /loszen ablas hy vnd da /das ist alles vmbsunst / vnd ein yrthum. Es wirt da durch vil erger /dan got musz selber die sundt vorgebē /vnd dem hertze frid gebē. Etlich muhen sich mit villen gutten wercken /auch tzuuill fasten vnd arbeiten /das etlich yre leyb darob tzubrochen / vnd doll koepff gemacht habē /das sye vormeintē also mit gewalt der werck /yr sundt abzulegē /vnd rwe dem hertzen tzu machē. Diesen beiden gepricht /das sye vor wollē gute werck thun /ehe die sundt vorgebē sein. So doch widerumb vor die sundt vorgeben sein muessen /ehr gute werck geschehen /vnd nit die werck austreibē die sund /sonder /die austreibūg der sund /thut gute werck. dā gute werck muessen gescheen mit frolichem hertze / vñ gutem gewissen tzu got. das ist /in der vorgebūg der schuldt.

*Refurt wort
NB.*

Zum funffte /der rechte weg vñ die richtige weyse /an welche kein ander tzu findē ist /das hochwirdig / gna /dēreich /heilig sacramēt der pusz. welches got tzu trost allen sundern geben hat /do er sant Peter an stat der gantzē Ehrlichē kirchē die schlussel gab /vñ sprach Matth. xvi. Was du wirst binden auff erden / sol gepunden sein ym himel. vnd was du wirst losen auff erden / sol losz sein im himel. Diese heilige trostliche gnadēreiche wort gottes musz ein yglich Christen mensch tieff behertzigē / vñ mit grossem danck in sich bilden. dan /hyrinne ligt das sacramēt der pusz /vorgebung der sundt /trost /vnd frid des gewissens /alle freud vnd seligkeit des hertze /wider alle sund /wider alle erschreckung des gewissens /wider vor tzweiff lung vnd anfechtūg der pforten der hellen.

5. I.

Zu sechste /nu sein drey ding /in dem heiligen sacramēt der pusz. Das erst /ist dye Absolutio /das sein wort

Zum p in pusa to p mte

des priesters / die tzeigen an / sagē / vnd verkunden dir / du
 seist losz / vnd dein sund sein vor got vorgebē / nach laut vn̄
 krafft der obgesagte wortē Christi zu s. Petro. Das an
 der ist die gnad / vorgebūg der sund / der frid vnn̄d trost
 des gewissen / wie dan die wort lautē. Darūb heist es ein
 sacramēt / ein heilig tzeichen / das man die wort horet euf
 serlich / die do bedeuten die geistlichen guter ynwendig /
 da von das hertz getrostet wirt vnd befridet. Das dūtē
 ist der glaube / der do festiglich darfur helt / das die Ab
 solutio vnd wort des priesters sein war / in der krafft der
 wort Christi / was du losest / sol losz sein zc. Vnd an dem
 glaubē ligt es als miteinander / der allein macht / das die
 sacramēt wircken / was sye bedeutē / vnd alles war wirt
 was der priester sagt. dan wy du glaubst / so geschicht dir
 An welchē glauben alle absolution / alle sacrament / vnb
 sonst sein. ia / mer schadē dan frūmen. Also ist ein gemein
 spruch vnter den lerern. Nit das sacrament / sonder der
 glaub / der dz sacramēt glaubt / ablegt die sund. Also sagt
 s. Augustin. Das sacramēt nympt die sundt nit darūb /
 das es geschicht / sonder darumb / das man ym glaubt.
 Derhalbē ist mit allē fleysz des glaubē war tzunemen in
 dem sacrament / den wollen yn weyter außstreichē.
 ¶ Zū sybenden / daraus folget tzum ersten / das die vor
 gebūg der schult / vnd das hymnlich ablas wirt nymant
 geben / vmb der würdigkeyt willē seiner rew fur die sund /
 noch vmb der werck willen der gnugthuūg. sonder allein
 vmb des glaubens willen / in dye vorsprechung gottes /
 was du losest / sal losz seyn zc. ¶ Wyerwol dye rew vnn̄d
 gute werck / nit nachzulassen sein / ist doch auff sye keyn
 nerleweißz tzu bawē / sonder allein auff die gewisse wort
 Christi / der dir tzusagt / wan dich der priester loszet / saltu
 losz sein. dein rew vn̄ werck mugen dich triegen / vnn̄d der
 teuffel wirt sye gar baldt umbstossen im todt / vnd in
 der anfechtūg. Aber Christus dein got wirt dir nit liegē /

2c pap Costru.

3 Fides

August:

T. 9.

A ij



noch wanken. vnd der teuffel wirt ym seine wort nicht
ymbstossen. vnd bawst du darauff mit einem festen glau
ben/so stehest du auff dem fels/da wider dy pforten vnd
alle gewalt der hellen nit mugen besteen.

8
2
Zu achtē/folget weiter/das die vorgebüg der schult
auch nit steht/wyð in Babst/bischoffs/priesters/nach
yrgent eins menschē ampt ader gewalt auff erden. sond
allein auff dem wort Christi/vnd deinem eygen glaubē.

Ein pceptum p
vltimū mōstrū
Dan er hat nit wolle vnsern trost/vnsere seligkeit/vnser
tzuoorsicht/auff menschen wort ader that bawen. sond
allein auff sich selb/auff seine wort vnd that. Die priester
bischoff/bebst sein nur diener/die dir das wort Christi
furhalten/darauff du dich wagen vnd setzen solt/mit fe/
stem glauben/als auff einen festen fels.so wirt dich das
wort behalten/vnd muessen dein sund also vorgebē wer/
den. Darüb auch nit die wort vmb der priester/bischoff/
babst willē. sonder die priester/bischoff/babst vmb des
wortes willen tzu eren sein: als die deins gottes wort vñ
botschafft dir bringē/du seyest losz von den sunden.

9
3
Abolucio dicitur
quod pater dicitur
honorandi
Zu neüde/folget mer/das in dem sacramēt der pusz
vñ vorgebüg der schult nichts mer thut ein babst/bischof
dann der geringste priester. ia/wo ein priester nit ist/eben
souil thut ein yglich Christen mensch/ob es schon eyn
weyb ader kind were. dan welch Christen mensch tzu dir
sagen kan/dir vortgt got dein sund/in dem namē zc. vñ
du das wort kanst fahē mit einē festē glaubē/als sprechs
gott tzu dir/so bistu gewysz in dem selbē glaubē absoluir/
so gantz vñ gar ligt alle ding ym glaubē auff gottes wort.
Dā der babst/bischoff/priester mugē tzu deinem glaubē
nichts thun. so mag auch keiner fur dem andern/besser
gottes wort surē/dan dz gemeine das er tzu Petro sagt.
Was du loszest/das sol losz sein. das wort muß in allē ab
solution sein. ia/alle absolution hangen darinnen. Doch
sol man die ordenüg der obrigkēyt haltē/vñ nit vorachtē.

ym

alleyn/das man nicht yrrer ym sacrament vnnnd seynem
 werck/als were es besser /szo es eyn bischoff/ader babst
 gebe/wan szo es eyn priester ader leye. dann wie des pries
 ters mesz/vnnnd tauff/vnd reychung des heyligen leychnams
 Christi/eben souil gilt ab es der babst ad bischoff
 selbs theten. also auch die absolution/das ist/das sacras
 ment der pusz. Das sie aber yn furbehalten etlich casus
 zu absoluiren/macht nit yr sacrament grosser ader besser
 sonder ist gleich/als wen sye ymandt die mesz/die tauff/
 ader der gleichen/ausz vrsach furbehyltē/damit der tauff
 vnd mesz wyder tzu noch ab get.

*Missa papa
missa presbiter*

Casus requirit

13

Zu tzehendē/darüb so du glaubst des priesters wort
 wen er dich absoluir(das ist das er in Christus namen
 vñ in seiner wort krafft dich loszet vñ spricht. Ich lose dich
 vō deinē sundē)so sein die sund auch gewisz losz vor got/
 vor allē engeln/vnd allē creaturē. nit vmb deinet willē/nit
 vmb des priesters willen. sonder vmb des warhaftigen
 worts Christi willē/der dir nit liegē mag /do er spricht.
 Was du loszest/sol losz sein. Vnd so du nit glaubst /das
 war sey/dein sund vorgebē vñ losz sein/so bistu ein heyde/
 vnchristen/vnd vnglaubig deinē hern Christo. das die al
 ler schwerest sundt ist wider got. Vnnnd bey leib gang nit
 tzum priester/so du seiner absolution nit glaubē wilt /du
 vorwirckst deinē grossen schadē/mit deinem vnglauben.
 Dan mit solchem vnglaubē machestu deinen got als einē
 lugner/der dir durch seinen priester sagt/Du bist losz vō
 sunden.vnnnd du sprichst/Ich glaubs nit /ader tzeiffel
 daran: gerad/als werest du gewisser in deinen duncken/
 dan got in seinen worten. so du doch solt alle geduncken
 faren lassen/vnd dem wort gottes durch den priester ge
 sagt/stat gebē mit vnuorucktē glaubē. Dann wan ist an
 ders gesagt/wan du tzeiffelst /ob dein absolutiō got an
 geneme sey/vñ du losz seyest vō sundē/dann als sprichstu/
 Christus hat nit war gesagt/vnnnd ich weysz nicht ab ym

10

18

Cautela



seyen eigen wort angemem sein / da er tzu Petro sagt / was du loszest / sol losz sein. O got behut alle menschen / fur solchem teuffelischen vnglauben.

11
Zum eilfften / wan du absoluirt bist von sundē. ia wan dich in deiner sundt gewissen / ein frum Christen mensch trostet / man / weib / iung / ader alt / so soltu das mit solchē glaubē annemen / das du dich soltest lassen tzureissen / vil mal todte. ia alle creatur vorleugnē / ehe du darnach tzuweifeltest / es sey also vor got. Dan ist vns doch an das gepotē / in gottes gnadē tzu glaubē vñ hoffen / das vnser sundt sein vns vorgebē. wie vil mer soltu dan das glauben / wan er dir desselben ein tzeichen gibt / durch einen menschen.

12
Es ist kein grosser sundt / dan das man nit glaubt den articel / vorgebūg der sundt. wie wir beten im teglichē glauben. vnd diese sundt heist / die sundt in den heiligen geyst / die alle andere sundt sterckt / vnd vnuorgeblich macht / tzu ewigen tzeiten. Darūb sihe / wie einen gnedigen got vnd vater wir haben / der vns nit allein sundt vorgebung tzu sagt / sonder auch gepeut bey der aller schweresten sundt / wir sollē glaubē / sie sein vorgebē. vñ vns mit dem selbē gepot / dringt tzu frolichē gewissen / vñ mit schrecklicher sundt / vns von den sundē vñ boszen gewissen treybet.

Zum tzwelfften / sein etlich die vns geleret haben / man sol vñ musz der absolution vngewis sein / vñ tzuweyffeln ob wir tzu gnadē aufgenōmen / vnd die sundt vorgebē sein. darumb das wir nit wissen / ob die rew genugsam sey / ader fur die sundt gnug geschehen. Der vnwissenheit halben auch der priester / nicht muge gleich wurdige pusz auffsetzen. Hut dich fur diesen vorfurischen / vnchristlichen plaudern. Der priester musz vngewisz sein / an deyner rew vñ glauben / da ligt auch nichts an. Es ist vnigug / das du beichtest / vnd ein absolution begerest / dye soler dir geben / vnd ist dir sye schuldig. Wu aber die gera

Judas Hombriz 242
pales d'pales to p'ntener
cfr 83

ten werde / sol er got vnd deinē glaubē lassen befohlen sein.
Du solt aber nit aller erst disputirē / ob dein rew gnugsā
sey ader nit. sonder / des gewysz sein / das noch allē deinē
fleys / dein rew vngnugsam sey / vñ darūb tzu gottes gnad
dē flihē / sein gnugsam gewisses wort im sacramēt horen /
mit freyē / frolichē glaubē auffnemē / vñ gar nichts tzweif
fel / du seist tzu gnadē kūmē. nit durch dein vordinste ader
rew / sond durch sein gnedige gotliche barmhertzigkeit dy
dir lauter vmb sunst / vorgebūg der sund / tzusagt / anbeut
vñ erfüllet. auff das du also nit auff dich / noch dein thū /
sond auff deinē vaters im hymel gnadē vnd barmh
hertzigkeit / lernest brachtē vñ pochē / wid alle anfechtung
der sund / des gewissens / vñ der teuffel. Darnach hin rew
so vil mer / vñnd thu gnug wie du kanst. lasz nur diesen
blossen glaubē / der vnuordientē vorgebūg in v. ortē Chri
sti tzu gesagt / vorgehen / vnd haubtman im felt bleiben.

12

Zu dreitzehēdē / dy aber nit frid wollē habē / sie meinē
dan sie habē gnugsam rew vnd werck gethā vber dz / dz sie
Christū lugē straffen / vnd mit der sund in dē heiligē geist
vnghehē. dartzu das hochwirdig sacramēt der pusz vnwir
dig hādeln / so nemē sie yrē vordientē lō. Nēlich dz sie auff
den sant bawē / yn selbst mer dā got vortraue. dar aus dan
folgē muß / ye grosser vnd grosser vnruē des gewissens / vñ
nachvnmuglichē dingē vmb sunst arbeitē / grūdt vnd trost
suchē / vnd nymer findē. Bisz dz end solcher vorkerūg fol
get die vortzweiflūg vñ ewiges vordānys. Dā was suchē
sie anders / dan dz sie durch yr thun wollē gewysz werdē.
sam sie woltē mit yrē werckē gottes wort befestigē / durch
welchs sie soltē befestiget werdē ym glaubē. Vnd hebē ā
den hymel tzu vntterstutzē / daran sie sich haltē soltē. dz ist
das man got nit wil lassen barmhertzigt sein / vñ nur fur
einē richter habē / als solt er nichts vmb sunst vorgebē / es
wer im dan vorhyn betzalet. **S**o wir doch ym gātzē Euā
gelio nit einen lesen / von dem er etwas anders het gefos

13

Das heyyet auff
den punkt d'antwer

B



74.
bert/dan den glaubē. vnd all sein wolthat/den vnwürdig
gen vmb sunst/vnd lauter auß gnadē ertzeyget. Darnach
yn befohlen/wol tzu leben/vnnd hyn tzu gehen im frid zc.
¶ Zū viertzehēdē/laß gleich sein/dz ein priester yrre/ad
gepundē sey/ad leichtfertig sey in seinē absoluire/So du
nir einfeltiglich die wort entpfahest vn̄ gleubest (so fern
du seins yrthūbs/ad band/nit wissest noch vorachtest)
denoch bistu absoluiret/vn̄ hast dz sacramēt volliglich.
Dan wy gesagt/es ligt nit am priester/nit an deinē thun/
sonder gätz an deinem glaubē. souil du glaubest/souil du
hast. An welchē glaubē/so es muglich were/das du aller
welt rewe hettest/so were es doch Judas rewe/die mer
got erzurnet dan vorsunet. Dan nichts vorsunet got basz/
dan das man ym die ere gebe/er sey warhafftig vnd gne/
dig/das thut nymāt/dan wer seinē wortē gleubt. Also lo
bet yn David. Herr du bist gedultig/barmhertzig vnnd
warhafftig. Vnd die selb warheit erloszet vns auch von
allen sunden/so wir an sie halten mit dem glauben.
¶ Zū funffzehēden/folget dz die schlüssel vnd gewalt
sant Peters/ist nit ein gewalt/sonder ein dienst. vnd dye
schlüssel nit sant Peter/sond dir vnd mir gebē. dein vnd
mein sein die schlüssel. dā sant Peter darff yr nit/in dem/
als er ein babst ader bischoff. Sie sein ym auch nit noth
nach nutz. aber alle yr tugēt ist darinne/dz sie den sundern
helffen yre gewissen trostē vnd sterckē. Also hat Christus
geordenet/dz der kirchē gewalt sol sein ein dienstparkeit/
dz durch dy schlüssel dy geistlichē gar nichts in selbs/sond
allein vns damit dienen sollen. Derhalbē also man sicht/
thut der priester nit mer/dan spricht ein wort/so ist dz sa/
cramēt schon da. Vnd dz wort ist gottes wort/als er sich
vorsprochē hat. Auch hat der priester gnugsam tzeichē vn̄
vrsach tzu absoluiren/wan er sicht/dz man von ym bege/
ret der absolution. Hoher ist er tzu wissen nit verbundē.
Das sag ich darüb/das man die aller gnedigste tugent

Controversia Jude

*Claves Petri
ad quid valent*

13.

der schlüssel lieb hab / vnd erwirdige / vnd nit vorachte /
vmb etlicher miszprauch / die nit mer dan bannē / drawē /
vnd plagen / lautter tyranny machē auß solcher lieplicher
trostlicher gewalt. als het Christus nur yren willen vnd
herschafft / mit den schlusszeln eyngesetzt / gar nichts tzu
wissen / wu tzu man yr prauchen sol.

*Man sol reu vnd leyde haben
beyden vnd
tzu*

Zum sechtzehenden / das nit abermall ymandt mir
schuldte gebe / ich vorbiete gute werck. So sage ich / mā sol
mit allem ernst / reu vnd leydt haben / beichtē / vnd gute
werck thun. das were ich aber wie ich kan / Das mā den
glauben des sacramēts laß das heubt got sein / vnd das
erbe / da durch man gottes gnade erlāge / vnd darnach vil
gut thue / allein got tzu ere / vnd dem nechsten tzu nutz.
vnd nit darüb / das man sich darauff vorlassen sol / als
gnugsam vor die sund tzu betzalē. Dā got gibt vmb sunst /
frey / sein gnade. so sollen wir auch vmb sunst frey wider
umb ym dienen. Auch alles das ich gesagt hab von dy
sem sacrament / ist denen gesagt / die betruht / vnruhe / yr
rige / erschrockene gewissen haben / die gerne wolten der
sundt losz / vnd frum sein / vnd wissen nit wie sie es anfahē
sollē. Dā die selbē habē auch ware reu. ia / tzuuil reu / vñ
Kleinmutigkeit / die trostet got durch den prophetē Esaiā
xl. Prediget den Kleinmutigē / vñ sagt yn / cōsolamini / seyt
getrost yr Kleinmutigē / sehet da ist ewer got / vñ Christus.
Mat. xi. Kūmet tzu mir / die yr beschweret seyt vñ mue
sam / ich wil euch trosten zc. Die hartmutigen aber / dye
noch nicht begeren trost des gewissen / haben auch die sel
ben marter nicht befunden / den ist das sacramēt nichts
nutz. die muß man mit dem schrecklichen gericht gottes
vorweich vnd tzaeg machen / das sye auch solchs trosts
des sacraments suchen / vnd seufftzen leren.

Complamini

17

Zum sybentzehenden / wil man eynen fragen in der
beycht / ader selb sich einer erforschē / ob er ware reu hab
ader nit / las ich gescheen. So doch das yhe nymādt so
B ij



und nicht
gütliche interroget
de gratia sua

Jo. capitel
18.

NB.

frech fur gottes augē sey/dz er sag/ erhab gnugsam rew.
dan das ist vor-messenheit vnd erlogē. Nymāt hat gnug/
sam rew fur sein sund. Auch das die erforschūg vil gross/
ser sey/ob er festiglich glaub dem sacramēt/das ym sein
sund vorgebē sein/gleich wie Christus sprach/zu dē gicht
pruchtigē. Mein sun glaub/so sein dir dein sund vorgebē.
Vnd tzu dem weib. Glaub mein tochter/dein glaub hat
dich gesunt gemacht. Solch erforschē ist gätz seltzsa wort
dē in diszem sacrament. mā hat nur mit der rew / sund/
gnugthuūg vñ ablas zuschaffen. also furet ymert ein blin
der den andern. Ifurwar ym sacramēt bringt der priester
in seinē wort gottes botschafft vō den sundē vñnd schuld
vorgebūg. darūb solt er warlich auch am meistē fragē vñ
sehē/ob der mēsch der botschafft auch entpfehig were / d
nimer mer dā durch dē glaubē/vñ begirde der selbē bot/
schafft entpfehig werdē mag. Sūd vñ rew/vñ gute werck
sol man in predigetē hādeln/vor dem sacramēt vñ beicht.
Es zu achtzehēdē/es geschicht das got einē mēschen die
vorgebūg der schult nit lest befindē/vnd bleibt das tzap
peln vñ vnruhe des gewissens/nach dē sacramēt wie vor.
Dy ist weisslich zu hādeln dā d geprech ist am glaubē. Es
ist nit muglich dz dz hertz nit solt frolich sein/so es glaubt
seiner sund vorgebūg. als wenig als auch muglich ist/das
nit betruht vñ vnruig sey/wu es nit glaubt die sund vorge
bē. Nu lest got den glaubē also schwach bleibē/daran sol
mā nit vortzagē. sond dasselb auffnemē/als ein vorsuchen
vnd āfechtūg/durch welche got probirt/reitzt vnd treibt
dē mēsche/das er dester mer ruff vñ bitvmb solchē glābē.
vnd nit mit de vater des besessenen im Euāgelio sage. O
herr hilff meinē unglaubē. vnd mit den Aposteln/o herr
mere vns den glaubē. Also lernet der mēsch/das alles got
tes gnadē sey/das sacramēt/die vorgebūg/vñ der glaub:
bisz das er hendt vñ fuesz farē laß/an ym selbs vortzweif
felt/in lauter gottes gnadē hoff/vñnd haßt an vntterlaß.

t9

Zu neundtzeheude / es ist vil ein and ding die pusz / vñ
 dz sacramet der pusz. Das sacramet stet in den dreye dings
 ge / darob gesagt / im wort gottes / dgs. ist die absolutio.
 im glaubē der selben absolution / vñd im frid. Das ist / in
 vorgebūg der sund / die dē glaubē gewisz folget. Aber die
pusz teilet mā auch in drey / in rew / beicht / vñ gnugthuūg.
 Nu wie in der rew manicherley myszbrauch daroben ist
 angetzeigt / also get es auch in der beicht / vñ gnugthuūg.
 sein fast vil bucher vol dieser ding / vñd leid wenig bucher
 vō sacramet der pusz. Wo aber das sacramet recht get ym
 glauben / da ist die pusz / rew / beicht / vñd gnugthuūg gar
 leicht / vñd an alle ferligkeit / sie sey tzu wenig ader tzuvil.
 dan des sacramets glaub macht alle frūb schlecht / vñd
 fullet alle grūd. Vñ mag nimat yrrē / wyd in rew / beicht /
 noch gnugthuūg / wer den glaubē des sacramets hat . vñ
 ob er schon yrret / so schadet es ym gar nichts. Wo aber
 der glaub nit ist / do ist kein rew / beicht / gnugthuūg gnug
 sam. vñd da her fliesen souil bucher vñd lere / vō der rew /
 beicht vñ gnugthuūg / damit vil hertze seer geengstet wer
 dē / offt beichtē / dz sie nit wissen / ob es teglich ad todlich
 sund seyn. doch af dz mal wollē wir ein wenig dauō sage.
Zu tzeintzigste / mā mag die teglich sund nit dē prie
 ster / sunder allein got bekēnē. Nu hebt sich aber ein newe
 frag / was todlich ader teglich sund sein. Es ist noch nye
kein doctor so gelert gewesen / noch wirt ymer / der ein ge
wisz regel gebe / teglich fur den todliche tzu erkennē . auß
genome dy grobē stuck / wiß dy gepot gottes: als ebruch
todten / stelen / liegē / vorleumbden / trigen / hassen / vñd der
gleichen. Es stet auch allein in gottes gericht / welche an
dere sund er todlich achtet / vñ ist dem menschē nit mug
lich tzu erkēnen. wie dan sagt psal. xvij. O got wer kan all
sein sund erkennē: mach mich rein vō den vorborgenē sun
den. Darūb so gehoret in die heimliche beicht kein sund /
dan die man offentlich fur tod sund erkēnet / vñd die das

Cohitio, Condi /
No et sek / fash

Yohann 20
Sapientia

Zuc 12
Vemala
peccato

13
14

Peccata mortu
lia p[er]mittit ad
peccata q[ui]er[et]



Beichte muß nicht auf dem

*pena pena
in qm
qm*

Satisfactio

2

*Tempore nec
mat longius
se die absol
luciger*

gewissen tzu der tzeit druckē vñ engstē. dā soltmā alle sund
beichtē/so must mā all augēblick beichtē/so wir nymmer
an sund sein in dysem lebē. Auch vnser gute werck nit rein
an sund sein. Doch ist es nit an besserūg/dz man auch ge
ringe sund beichtet. sonderlich so mā sunst keyn tod sundt
weysz. Dan wie gesagt im sacramēt /wirt gottes wort ge
horet/vñ der glaub ye mer vnd mer gesterckt. Vñ ob eins
schon nichts beichtet/dānoch were die absolution vñ got
tes wort/vil mals tzu horē nutz/vmb desselben glaubens
willē/dz mā also sich gewenet/der sund vorgebūg zu glau
ben. Darumb hab ich gesagt/der glaub des sacraments
thuts gar/die beicht sey tzuuil ader tzu wenig. Es ist al
les besserlich dē/der do gottes sacramēt vnd wort glaubt.
¶ Vō d gnugthuūg sey ytzt gnug/dz die beste ist nymer
sundē/vnd seinem nechstē als gut thun/er sey feindt ader
freundt. vō welcher mā auch seitē hādelt/nur mit auffge
setzten peten/wil mans als tzalē.
¶ Ezū. xxi. dz ist die gewalt/da er vō sagt Mat. ix. tzu den
vn glaubigē schriftgelertē. Auff dz yr wisset/dz d sun des
mēschē macht hab auff erdē die sundt tzuuorgebē/sprach
er tzu dem gichtpruchtigen/Städt auff/nym dein beth/
vñ gee in dein hausz. Vñ er ist auffgestādē/vñ in sein hausz
gāgē Do dz volck solchs gesehē habē/hat sie es gewūdert
vñ habē got gelobt/d den mēschē solch gewalt gebē hat.
Dan diser gewalt die sund tzuuorgebē/ist nit anders/dā
dz ein priester/ia(so es nodt ist) ein yglich Chrištē mēsch/
mag tzu dem andern sagē/vnd so er yn betrubt vñ geeng
stet sich in seinē sundē/frolich ein vteyl sprechen/ Sey ges
trost/dir sein dein sund vorgebē. Vnd wer dz auffnympt
vñ glaubt es/als ein wort gottes/dē sein sie gewisslich vor
gebē. Wo aber der glaub nit ist/hulfs nit/ob gleich Chri
stus vñ got selbs dz vteyl sprech. dā got kan nymant gebē
der es nit will habē. Der wil es aber nit haben/der nicht
glaubt dz ym gebē sey. vnd thut dē wort gottes eyn groß

595
vnere/wie obē gesagt. Also sihestu/dz die gātz kirch vol ist
vorgebūg der sundt. Aber wenig sein yr/die sie auffnemē
vnd empfangen. Darumb/das sie es nicht glauben/vnd
wollen sich mit yren wercken gewys machen.

Also ist es war/dz ein priester warhafftig die sund vnd
schult vorgibt. aber er mag dē sund den glaubē nit geben/
der die vorgebūg entpfehet vñ auffnympt/den muß gott
gebē. Nichts dester weniger ist die vorgebūg warhafftig/
als war/als wens got selber sprech. es haffte durch den
glaubē/ad nit. Vnd dys gewalt/diesund tzuuorgebē / vñ
also ein vteyl an gottes stat tzu fellē/hat im altē testamēt
wyder oberst noch vnterst priester gehabt / noch kunig/
noch Prophetē/nach ymāt im volck. es wurd ym dā son
derlich befolē vō got/als Natan vber den kunig David.
Aber im newē testamēt hat sie ein yglicher Christē mēsch
wu ein priester nit da ist/durch die tzusagung Christi/da
er sprach tzu Petro/was du wirst loszē auff erdē/sol losz
sein im hymel. Dā so dz allein Petro were gesagt / so het
er Mat. xviii. nit tzu allē in gemein gesagt. was yr aufloset
auff erdē/sol losz sein im hymel. Da redt er tzu d gantzen
Christenheit/vnd einē ygliche in sondheit. Also ein groß
ding ist es vmb ein Christē mēschē/dz got nit vol geliebt
vnd gelobt werdē mag/wan vns nit mer gebē were/ dan
einē tzu horē/in solchē wort mit vns redē. Nu ist die welt
vol Christen/vnd nymandt das achtet/nach got danckē.

Summa summarum.

Wer glaubt / dem ist
als besserlich.
nichts schedlich.
Wer nit glaubt / dem ist
als schedlich
nichts besserlich

Betruckt tzu Leyptzē Melchior Lotther. M. D. XX.

[Faint, illegible text, likely bleed-through from the reverse side of the page]

[76 Bl. 202]



Jb 4787^a

ULB Halle 3
003 732 096



5b





#.9.

Inches 1 2 3 4 5 6 7 8
 Centimetres 1 2 3 4 5 6 7 8 9 10 11 12 13 14 15 16 17 18 19

Farbkarte #13 B.I.G.



Sermon
 em sacra
 der puz
 R. Lu.
 ig. zu
 swittē.

